

Vedrana Mijić-Ušanović

Trg ZAVNOBIH-a 3

71 000 Sarajevo

061 303 439

vedranamijic@gmail.com

Vedrana Mijić-Ušanović rođena je u Sarajevu 1979. godine. Nakon studija umjetničke fotografije na Gradskoj akademiji likovnih umjetnosti u Antverpenu, Belgija, od 2005. godine do danas je stalno zaposlena na poziciji televizijske snimateljice u Radio-televiziji Bosne i Hercegovine. Tokom više od 13 godina radnog iskustva kao snimateljica je radila na svim projektima koja ova televizijska kuća realizuje; od direktnih prijenosa svih kulturnih, sportskih, muzičkih, religijskih i drugih manifestacija širom zemlje, političkih i javnih događaja i specijalnog programa sa lica mjesta, do realizacije uživo iz televizijskih studija emisija zabavno-revijalnog, obrazovnog, sportskog i dnevno-političkog sadržaja.

Za BHT1 i Federalnu televiziju snima dječje igrane serije, dokumentarne emisije i reportaže, kao i priloge, kratke priče i intervjuje za emisije različitih formi i sadržaja koje čine dnevnu i sedmičnu produkciju BHRT-a.

Pored stalnog angažmana na državnoj televiziji sarađivala je i sa nezavisnim produkcijskim kućama od kojih se izdvaja "Viamedia" i snimanje prve sezone muzičke emisije "Music Life", muzičkih spotova i koncerata, a od 2015. godine do danas za marketinšku agenciju "Design Creationz" iz Dohe, Katar, snima promotivna videa i reklame za klijente iz svijeta modnog dizajna, kao i sve modne događaje koja u Dohi ova agencija organizuje.

Kao snimateljica sarađivala je i sa studentima filmske akademije Film Factory na snimanju kratkih filmova pod mentorstvom reditelja Bele Tara.

Aktivno se i dalje bavi umjetničkom fotografijom i redovno svojim radovima učestvuje u grupnim izložbama u regiji i inostranstvu.